

**Aningaasaqarnermut Ataatsimiititaliap suliaq nr. 01.31.06/08-00393 pillugu arfinin-  
ngornermi ulloq 13. december 2008-mi aalajangiinera pillugu Naalakkersuisunut  
ilisimatitsineq**

(Naalakkersuisut ulloq 8. december 2008-mi ataatsimiinneranni imm. 2c)

**Kontomi pingaarnermi 84.40.10 Kommunini atuarfiit, suliassanut aalajangersimasunut  
ataatsimoortunut aningaasaliissutit sinnerinik atugassangortitsinissaq**

Naalakkersuisut **inassutigaat**,

kontomi pingaarnermi 84.40.10-mi, Kommunini atuarfinnut tunngasumi aningaasaliissutit suliassami nr. 080.50.108-mi, Minngortuunnguup Atuarfiani iluarsaassineranut/allangortiterineranut, Sisimiut, tunngasumi aningaasaliissutit 7.000.000 koruuninik amerlineqassasut, suliassami nr. 095.50.120-mi, Atuarfimmik iluarsaassineranut/allangortiterineranut/alliliineranut, Iginniarfik, tunngasumi aningaasaliissutit 1.200.000 koruuninik amerlineqassasut, suliassami nr. 154.50.109-mi, Atuarfimmik iluarsaassineranut/allangortiterineranut, Saattut, tunngasumi aningaasaliissutit 3.000.000 koruuninik amerlineqassasut aamma suliassami nr. 996.50.093-imi, Atuarfinnut assigiinngitsunut, nutaanik sa naartornermut iluarsaassineramullu, 2008, tunngasumi aningaasaliissutit 11.200.000 koruuninik ikilineqassasut.

**Aningaasaqarnermut Ataatsimiititaliap oqaaseqaatai**

Missingersuusiat C-t aallaavigalugit aningaasanik atugassaqaarnissamut qinnuteqartoqarmat Ataatsimiititaliamit maluginiarneqarpoq. Siusinnerusukkut missingersuusiat C-t aallaavigalugit aningaasaliissutinik atugassiisarnert annertuumik missingersuutinik qaangiisarnernik kinguneqartarnikuupput. Taama siusitsigisukkut sanaartugassatut pilersaarummik aallartitsinissamik akuersinikkut sanaartugassanut pineqartunut annertuumik aningaasaliissutinik qaffaanissamut piumasaqaatinik itigartikkuminaatsunik nunatta karsia kingusinnerusukkut ilimagisaqarsinnaavoq, taamaaliornermi sanaartorneq naatsorsuutigisatut ingerlanneqanngippat aningaasaliissutaareersut annaaneqarsinnaanerannik Naalakkersuisut oqarsinnaassammata. Tamannarpiaq pissutigalugu missingersuusiat C-nik Namminersornerullutik Oqartussat ataatsimut isigalugu aallaaveqartarunnaarnikuupput.

Naalakkersuisoqarfik akisussaasoq (Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik sanaartugassanut suliniutit pillugit 2009-mianingaasanut inatsisip akuerineqannginnerani missingersuusianik B-nik saqqummiussisimannginnermigut siumut pisariaqartumik qulakkeerisimannginnera naleqqutinngilluinnartutut oqaatigisariaqarpoq. Saqqumiussissummittaqq erseqqissaatigineqarpoq 2008-mi aningaasat qinnuteqaataasut ilai amerlasuut atorineqarnissaat angumerineqarsinnaanavianngitsoq. Tamatumunnga atatillugu eqqaasariaqarpoq AIS09-p, AIS08-p, AIS07-p, AIS06-p, AIS05-p aamma AIS04-p aappassaaneerineqarnissaannut isumaliutissiissutit suliarineqarnerannut atatillugu kaammattuut una (assingusulluunniit) Aningaasaqarnermut ataatsimiititaliamit saqqummiunneqarmata:

**Kaammattuut nr. 7**

Aningaasat Sanaartugassanut Iluarsagassanullu Aningaasaateqarfimmi atorineqaratik uninngaannartussaasut ilisimagaluarlugu aningaasanik akuersissutiginnittoqartaqqunagu sanaartugassanut aningaasaliissutinik atuinissamik **piviusorsioortumik** missingersuusiortarnissamik qulakkeerinninniarnerninnik Naalakkersuisut ingerlatsiinnarnissaat

Aningaasaqarnermut Ataatsimiititaliamit **kaammattuutigineqarpoq.**

Ajoraluartumilli suliap uuma uppersarpaa sanaartugassanut aningaasaliissutitut piviusorsioortumik tunngaveqarluni missingersuusiortoqartannginnera! **Piviusorsioortumik** tunngaveqarluni missingersuusiortoqartartuuppat soorunami Naalakkersuisut aningaasaateqarfimmut aningaasanik immikkoortitassanik innuteqartariaqassanngikkaluarpot, aningaasanummi inatsisip suliarineqarnerani suliniummi aningaasaliissutiviusussatut pisariaqartut ukiuni missingersuusiortofiusuni ataasiakkaani tamani naatsorsuutigineqartut qulakkeereerneqarsimassammata. Ukiunut missingersuusiortofiusunut ataasiakkaanut suliniummi tunngavigisaq ilisima neqarsimangippat, taava Naalakkersuisut taarsiullugu sanaartugassaqaartitsivimmi ilimagisatut aningaasat pisariaqartut kontomut sillimmavimmut illuartittarsimassagaluarpai.

Suliat nr. 080.50.108-p, Minngortuunnguup Atuarfiani iluarsaassi nermt/allanngortiteri-nermt, Sisimiut, tunngasup killiffia pilersaarutillu pillugit immikkut nassuiaammik pissarsisinneqarnissani ataatsimiititaliap qinnutigissavaa.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua